

फागणियो आए गयो

सांवरिया म्हाने खाटू बुलाल्यो जी,
फागण का रसिया खाटू बुलाल्यो जी,
फागणियो आए गयो सांवरिया गिरधारी.....

पजरंगी थारो निशान बनास्यां जी,
और चांदी रो छतर ऊपर लगवास्यां जी,
फागणियो आए गयो सांवरिया गिरधारी.....

सतरंगी थाने बागो पैरास्यां जी,
सोने की नक्कासी ऊपर करवास्यां जी,
फागणियो आए गयो सांवरिया गिरधारी.....

थारो सुंदर-सुंदर गजरो बणवास्यां जी,
केसर मोगर चंपा जांपे इत्र चढ़ास्यां जी,
फागणियो आए गयो सांवरिया गिरधारी.....

थाने दाल चूरमो रुच के जिमास्यां जी,
सब भक्ता मिलकर के थारो लाड लडास्यां जी,
फागणियो आए गयो सांवरिया गिरधारी.....

थारे लाल गुलाबी रंग लगास्यां जी ,
गिंदड़ करता बाबा थाने भजन सुणास्यां जी,
फागणियो आए गयो सांवरिया गिरधारी.....

<https://alltvads.com/bhajan/lyrics/id/26515/title/faagniy-aaye-gayo>

अपने Android मोबाइल पर [BhajanGanga](#) App डाउनलोड करें और भजनों का आनंद ले |